



81. ԹՄԱԶԱ ՓԸՍԱԾ ԽՐԽՈՐՑԸ ՀԵՏԵ

Մեհհա մին քանի խոխա մին տեղավ քյնիյիս ըն ինոմ, ու-
րանց հետե խաղ ընելավ: Քյնոմ ըն մին բախճի պտահում: Ըտեղ
շատ տանձը-խնձորու ծառեր ա ինոմ: Մրռերան խնձոր, տանձ ըն
քաղըմ, օտում, ծրռերեն տանիքը կուարատում, Թա.— Ըստրա
տըեռնը, ըստինը, ընդինը, էս խե՞ մերը չի, ասըմ ըն, փախչում,
Թա քյինին ուրանց տոնը:

էտ վախտը տրանց առաչին մին պառավ մարթ հղենի քյնոմ
ա ընոմ, շատ ծրաված:

էտ խոխքը վեր քյինոմ ըն, հսնում էտ պռավեն, պառավըն
ասում ա.— Ա՛ վերթիքյ, մին վետը կացեքյ, բալքյամ ծեր ծեռքեն
ճուր ընի՛, բալքյամ ըստեղաս մոտե ճուր կա, ախեր պերանս շու-
րացալ ա, կարըմ չըմ քյինիմ:

էտ խխոցան մինը ասում ա.— Դա՛յի, նստե:

Նստում ա, ջուքան մին խնձոր ա տոն օնում, տամ էտ պռավեն:
Պառավը օտում ա, համ ծարավոթունն ա քաշում, համ էլ էտ խնձորը
ընդրան շատ ա տուր կյամ: Խնձորը վեր օտում ա, պըրծնում, տափը
մաննավ քանդում ա, էտ կորեզը քցում ըտեղ, վըեղավ անում:

Խոխերքը ասում ըն.— Դայի, խե՞ յըս իտի անում:

Դային ասում ա.— Բա՛լա, էս խնձորի ծառը վրողեն մատաղ,
ղորմի ընդրան, ծրվոթունըս քաշից, էտ մին, էրկունջինն էլ շատ
համեղ ար, յըես էլ ըստեղ վարիմ, մին խնձորե փսնե, հանցու մին
դոնոմ մըեղ նման մինն էլ կյա ծրաված օտե, մըեղ ղորմի տա:

Խխոցան մինը ասում ա.— Դա՛յի, պա տու էնքան կննական
ը՞ս, վեր էտ սերմը ծառ տեռած տեսնաս:

Դային ասում ա.— Բա՛լա, վարալ ըն կերալ ընք, վարինքյ,
հանցու օտին: Մունք ըիդի մըղանա ետը եկածներեն հետե շատ պեն
թողինքյ, հունցը մեր պապերն ըն մըեղ հետե թողալ, քյեցալ:

Շատ ա ընցնում, թա՛ խրեզյ, էտ խխոցան մինը մեծ մարթ տե-
ռած, հիվանդացած ա ընում: Տանըմ ըն դոխտուր: Ետ տեռած կյա-
լիս արեւը կրծանում ա: Կյամ ըն հըղըցեն դրաղեն տեսնում մին խըն-
ձորե: Տակեն նստում ըն, դինջանում:

Պըռավեն խըեւքը կլոխն ա կյամ, եր ա կենում տեղը նստում,
տեսնում էտ խնձորեն էն ծառն ա, վեր ինքյը խընձոր ա տվալ ճը-
նապավը քյնացող հլվերեն, էն էլ կորինձը տընդալ ա:

Մեննը ընգելավ ընդրան խոսկերքը, ասում ա.— Պա՛, դորմի
քյըեղ հա՛, ա՛ ծառ վարող, վըսկոնետ լոնս տեռնա:

